

欽定四庫全書

子部

瑞竹堂經驗方卷二

詳校官太醫院恩糧臣孔毓秀

編修臣倉聖脈覆勛

勝錄監生臣曾照



欽定四庫全書

子部五

提要

瑞竹堂經驗方五卷

醫家類

臣等謹案瑞竹堂經驗方五卷元沙圖穆蘓

原作薩理彌
實今改正撰沙圖穆蘇元史無傳其事蹟

不可考以吳澂王都中二序核之則其字為

謙齋嘗以御史出為建昌太守是書即其在

郡時所撰集也原書本十五卷楊士奇等文

欽定四庫全書

瑞竹堂經驗方

淵閣書目載有一部一冊而晁璣寶文堂書

目內亦列其名則是明中葉以前原帙尚存

其後遂鈔傳本今據永樂大典所載搜採編

輯計亡闕已十之五六而所存者尚多謹依

方詮次分立二十四門釐為五卷中間如調

補一門不輕用金石之藥其處方最為醇正

又女科之八珍即四君子湯四物湯之併方

其用尤廣明薛己醫案已詳著之至瘡科所



<p>載返魂丹與今世瘍醫所用梅花點舌丹奪</p>	<p>命丹相類內托千金散以治癰毒亦見殊功</p>	<p>是皆可資利濟之用惟幼科之褐丸子與蘇</p>	<p>沈良方中所列褐丸名目相類治療亦同特</p>	<p>彼用烏頭桂香附乾薑陳皮配合攻補兼行</p>	<p>頗為周密此乃用黑牽牛京三稜蓬莪朮諸</p>	<p>品殊病其過於峻利蓋金元方劑往往如斯</p>	<p>由北人氣稟壯實與南人異治故也此在於</p>	<p>欽定四庫全書</p>	<p>瑞竹堂經驗方</p>	<p>隨宜消息不可以成法拘矣乾隆四十六年</p>	<p>九月恭校上</p>	<p>總纂官 臣 紀昀 臣 陸錫熊 臣 孫士毅</p>	<p>總校官 臣 陸費墀</p>		
--------------------------	--------------------------	--------------------------	--------------------------	--------------------------	--------------------------	--------------------------	--------------------------	---------------	---------------	--------------------------	--------------	-----------------------------	------------------	--	--



原序

曩予誦范文正公良相良醫之言未嘗不斂衽嘉歎何則良相輔弼元首治天下興利除害選賢任能使人樂其業而吾仁之見諸事者足以澤被四海良醫導和人身療百病脫痼起痼幹元氣而開壽域使人安其生而吾仁之蘊諸心者亦足以波及萬姓蓋出處之轍雖異而吾仁之用則同君子不可斯須而忘吾仁則吾仁之在天下亦不可勝用矣謙齋先生沙公志文正之所志

欽定四庫全書

瑞竹堂經驗方

學文正之所學輕車埋輪繡衣直指所至摧奸貪之膽拯生民之命由柏垣而登薇府一以是心民以是厚今為建昌守也殆將小試冀黃事業為異日姚宋張本良相之效豈不著哉然公猶以為未盡乃退而考訂名醫方書常經驗者分門別類為一十五卷鋟梓郡庠因目其書曰瑞竹堂經驗方以惠斯世噫如公之仁可謂至矣予故序諸篇端欲人之誦此書者不惟知公之心良於醫又當知公之志良於相二者皆自公仁心一點中



原序

人有恒言看方三年無病可治治病三年無藥可療斯言何謂也謂病之有方不難而方之有驗為難也盱江郡侯歷任風憲民社愛人一念隨遇而見有仁心有仁聞人之被其惠澤者奚翅百千萬而涖官餘暇猶注意於醫藥方書之事每思究病之所由起審藥之所宜用或王公貴人之家或隱逸高人之手所授異方率和劑三因易簡等書之未載遇有得必謹藏之遇有疾必謹

欽定四庫全書

瑞竹堂經驗方

試之屢試屢驗積久彌富守盱之日進一二醫流相與訂正題曰瑞竹堂經驗方爰鋟諸木以博其施一皆愛人之仁所寓也既仁之以善政復仁之以善藥孰有能如侯之仁者哉噫世之醫方甚繁用之輒效者蓋鮮今之所輯悉已經驗則非其他方書所可同也侯者沙圍穆蘇瑞竹堂者往時候插竹為樊竹再生根遂生枝葉人以為瑞而侯以扁其堂云吳澂序



欽定四庫全書

瑞竹堂經驗方卷一

元沙圖穆蘇

編

調補

益榮丹 治心脉結而散肺脉浮而軟餘脉如經原其所自思慮傷心憂慮傷肺心乃諸血之源肺為諸氣之候心虛則血少脉弱則氣虛遂致目澀口苦唇燥舌鹹甚則齒為之痛鼻為之不利怔忡白濁腠理不密易感風寒今以補氣湯補氣以養肺益榮丹滋血

欽定四庫全書

瑞竹堂經驗方

以助心榮衛日充心肺職治諸疾自愈

當歸

二兩去蘆
酒浸焙

紫石英

火煨醋淬七
次研細一兩

栝子仁

炒另
研

酸棗仁

小草

木香

不見
火

茯苓

桑寄生

卷栢葉

酒炙

熟地黄

洗淨酒
蒸焙

龍齒

各一兩
另研

辰砂

半兩
另研

右為細末煉蜜為丸如梧桐子大辰砂為衣每服七

十九食前用麥門冬湯下

補氣湯



<p>黃耆 <small>二兩去蘆</small> <small>湯浸</small> 密水炙 人參 <small>去蘆炒</small> 一兩 甘草 <small>炙各</small> 半兩 麥門冬 <small>一</small> 兩</p>	<p>右咬咀每服四錢水一盞半生薑五片煎至七分去滓溫服不拘時候</p>	<p>補養丸 補養元氣滋益氣血煖水臟及下元</p>	<p>兔絲子 <small>洗淨搗末四兩</small> 破故紙 <small>炒香</small> 益智仁 <small>各一兩</small> 杜</p>	<p>仲 <small>一兩去皮用生薑自然汁拌勻炒斷絲</small> 山藥 <small>一兩剉碎炒黃</small> 茴香 <small>一兩</small></p>	<p><small>半炒</small> 蒼朮 <small>二兩米泔浸切片麵炒</small></p>	<p>欽定四庫全書 瑞竹堂經驗方</p>	<p>右為細末酒糊為丸如梧桐子大每服五十丸空心溫服鹽酒鹽湯任下</p>	<p>杜仲丸 補心腎益氣血煖元臟縮小便壯力</p>	<p>蓮肉 <small>去心四兩</small> 龍骨 <small>七錢半新瓦上煨另研細</small> 益智仁 破故</p>	<p>紙 <small>炒香</small> 茴香 <small>各一兩</small> 牛膝 <small>去苗一兩酒浸</small> 白茯苓 <small>去皮</small></p>	<p>木 <small>一兩</small> 杜仲 <small>去皮剉碎酒浸</small> 兔絲子 <small>四兩</small> 桃仁</p>	<p><small>湯炮去皮尖</small> 淨炒一兩</p>	<p>右為細末用山藥四兩炙為末酒糊為丸如梧桐子</p>
--	------------------------------------	---------------------------	--	---	--	---	-------------------------------------	---------------------------	--	---	--	----------------------------------	-----------------------------



<p>大每服五十九棗湯送下空心食前服如欲煖水</p>	<p>藏減去蓮肉龍骨白茯神加好醋酒兼糟四兩蓮</p>	<p>鬚葱白四兩蒼朮四兩米泔水浸一夕切片合蓮</p>	<p>鬚葱白酒糟搗淹一宿成餅曬乾炒令熟入前藥</p>	<p>同研</p>	<p>法製杏子</p>	<p>杏仁 一斤 揀板 杏真方用 蒼朮 斤一 白沙蜜 斤二 蒼朮 兩一</p>	<p>去粗皮泔浸 半夏 一兩 薑汁 一宿 麩炒 木香 當歸</p>	<p>欽定四庫全書 瑞竹堂經驗方</p>	<p>人參 兩各一</p>	<p>右將杏仁用熱水洗淨頓於罐內將生蒼朮一斤為</p>	<p>粗末水熬一二百沸將汁浸杏仁封其口夏一日</p>	<p>一夜春秋三日三夜冬五日五夜去蒼朮及汁鍋</p>	<p>內炒乾調入蜜半斤再炒少時取出將木香當歸</p>	<p>人參半夏蒼朮俱為細末拌於杏仁上冷定用磁</p>	<p>罐盛頓再用生蜜半斤澆上每日空心細嚼三五</p>	<p>十箇麪湯送下若氣不順加木香末一兩血不和</p>
----------------------------	----------------------------	----------------------------	----------------------------	-----------	-------------	---	-----------------------------------	----------------------	---------------	-----------------------------	----------------------------	----------------------------	----------------------------	----------------------------	----------------------------	----------------------------



加當歸末一兩若喘息加人參末一兩若婦人血氣不和加當歸服

十寶丸 補益肝脾腎三經其功不可具述

破故紙

酒浸一宿焙乾

附子

炮去皮臍

蒼朮

剉泔浸一宿焙乾

當歸

去蘆焙各一兩

石棗

半兩去核

枸杞子

焙半兩

兔絲

子

酒浸焙乾

肉蓯蓉

酒浸焙乾

白茯苓

去皮各半兩

地黃

去蘆揀肥壯者酒浸蒸久而透黑為度妙處全在此一味焙乾二兩

右為細末醋糊為丸如梧桐子大每服三五十九空

欽定四庫全書

瑞竹堂經驗方

心用溫酒或鹽湯送下乾物壓之

坎離丸 治心脾腎三經不足

蒼朮

八兩剉如豆大泔浸三日或焙或晒乾分作四處一分用真烏豆一兩去皮臍切作片子

又用川棟子淨肉一兩同蒼朮炒焦黃色為度一分用川椒去目一兩又用陳皮一兩破故紙一兩

酒浸一宿炒令乾次下蒼朮川椒同炒黃一分用茵香淨一兩青鹽一兩半食鹽炒半兩先下蒼朮

炒熟次下茵香等同炒黃色一分用酒醋各一椀浸蒼朮令自乾炒燥入後藥

冬

天門冬

去心三錢焙

茯神

去皮木三分炒

遠

志

沉香

鹿茸

燎去毛酥炙

葫蘆芭

酒浸



<p>炒 川巴戟 各五錢去 心酒浸炒 當歸 半兩酒 浸焙 人參 去 蘆</p>	<p>枸杞子 雀腦川芎 陳皮 半兩 去瓢各</p>	<p>右為細末好酒煮神麴末二兩打糊為丸如梧桐子</p>	<p>大每服四五十九丸空心服如補心棗湯下補腎温</p>	<p>酒鹽湯下</p>	<p>草還丹 夫草還丹者不用金石不加燥熱不傷五臟</p>	<p>只以草藥為用全在製度之妙得水火既濟之術奪</p>	<p>丹砂燒煉之功大壯脾胃能進飲食且脾屬中央之</p>	<p>欽定四庫全書 瑞竹堂經驗方</p>	<p>土乃五臟之主一失調養則五臟俱虛百病由此而</p>	<p>生此藥益精髓補腎經固元陽輕腰脚安五臟通九</p>	<p>竅令人耳目聰明有一老人年七十以上常服此藥</p>	<p>悅顏容烏髭髮固牙齒能夜書細字延年益壽乃仙</p>	<p>家之良劑平補大有效驗</p>	<p>蒼朮 四兩一兩酒浸一兩醋浸一 兩泔浸一兩鹽水浸各一宿</p>	<p>破故紙 一兩酒 一宿 覆盆子 二錢 揀淨 茴香 一錢 新肥</p>	<p>者 川練子 一兩 木香 半兩 實者 山藥 一兩 者 穿</p>
---	-----------------------------------	-----------------------------	-----------------------------	-------------	------------------------------	-----------------------------	-----------------------------	--------------------------	-----------------------------	-----------------------------	-----------------------------	-----------------------------	-------------------	---------------------------------------	--	--



<p>山甲 <small>酥炙</small> <small>黃</small> 地龍 <small>去土</small> <small>淨</small> 茯苓 <small>堅圓</small> <small>者</small> 枸杞子</p>	<p>牛膝 <small>各三錢</small> <small>浸一宿</small> 酒</p>	<p>右晒乾為細末無灰酒糊為丸如梧桐子大每服三 五十九丸溫酒送下鹽湯亦可乾物壓之空心服畢 須行百步使藥力行日進二服此方得之刑部令 史王國寶渠隸事時有一僧子窩藏強盜部擬死</p>	<p>渠入出之後僧子以此方謝囑云惟西平章有此 方不可亂傳當珍藏之後渠入佐西平章於方冊</p>	<p>欽定四庫全書 瑞竹堂經驗方</p>	<p>內得此方藥味分兩製度相同乃平章常服藥 金鎖丹 此藥延年益壽添精和血注顏壯骨養神調 氣不可盡述</p>	<p>遠志 <small>去心</small> <small>炒</small> 蛇床子 <small>酒浸</small> <small>微炒</small> 紫梢花 鹿茸 <small>炒黃</small> <small>各一</small></p>	<p><small>錢半</small> 海馬 <small>二對</small> <small>炒</small> 黑牽牛 <small>取頭末</small> <small>三錢</small> 穿山甲 <small>五片</small></p>	<p><small>炙</small> 木香 麝香 <small>各二錢</small> <small>半</small> 川茴香 晚蠶</p>	<p>蛾 <small>二錢</small> <small>續斷</small> <small>一錢</small> <small>半</small></p>	<p>右為細末酒糊為丸如梧桐子大每服五十九空心</p>
---	--	---	---	-----------------------------------	---	--	---	---	---	-----------------------------



溫酒送下七日可便見效
消導

沉香降氣丸 治胃膈痞滿升降水火調順陰陽和中
益氣推陳致新進美飲食

沉香鎊 木香 華澄茄 枳殼去 縮砂仁

白豆蔻仁 青皮去 陳皮去 廣木炮 枳實

炒 黃連去 半夏製 蘿蔔子另研各 白茯苓

苓去皮 香附子二兩炒 白朮一兩 烏藥一兩

欽定四庫全書
瑞竹堂經驗方

右為細末生薑自然汁浸蒸餅為丸如梧桐子大每

服五七十九臨卧煎橘皮湯下薑湯亦可日進一

服忌生冷

丁香爛飯丸 治中脘胃痛消食快氣

丁香 京三稜炮 木香 廣茂各一錢 縮砂仁

益智仁 丁皮 甘松去土各 甘草三錢

香附子五錢炒



右為細末蒸餅水浸去皮為丸如梧桐子大每服三 五十丸白湯送下細嚼亦可不拘時候		香稜丸 消食快氣寬中利膈化痰		京三稜 廣茂 青皮 陳皮 <small>各對醋 煑焙乾</small> 蘿蔔子		研炒另 縮砂仁 白豆蔻仁 沉香 木香 半		夏麴 <small>各一兩 炒</small> 神麴 <small>炒</small> 麥蘖 <small>炒另研 各一兩</small> 阿魏 <small>半兩 另研</small>		香附子 <small>炒去毛</small> 烏藥 枳殼 <small>煑炒 去瓢</small> 華澄茄		欖榔 良薑 <small>各半兩</small>		欽定四庫全書 瑞竹堂經驗方		右為細末以神麴麥蘖阿魏末拌勻水和為丸如梧 桐子大每服七八十丸薑湯下不拘時候		木香枳殼丸 治中焦氣澀胃膈痞悶飲食遲化四肢 困倦嘔吐惡心常服升降滯氣消化宿食去痰進飲 食		木香 枳殼 <small>炒去瓢</small> 欖榔 半夏 <small>湯泡七次</small> 青皮 <small>去瓢</small>		陳皮 <small>去白</small> 白茯苓 <small>去皮各一兩</small> 白朮 <small>煨半一兩</small> 京三		稜 <small>煨</small> 廣茂 <small>煨各三兩 三錢</small> 黑牽牛 <small>微炒取末三兩</small> 人參	
---	--	----------------	--	---	--	----------------------	--	---	--	---	--	--------------------------	--	------------------	--	--	--	--	--	---	--	---	--	---	--



神麩 <small>炒微</small> 大麥蘖 <small>炒微</small> 枳實 <small>炒各半兩</small> 乾薑 <small>炒七錢</small>	右各為末水糊為丸如梧桐子大每服五十九丸食後薑湯送下	木香枳殼丸 寬脅膈進飲食消食快氣	木香 檳榔 陳皮 <small>去白</small> 黃連 <small>去鬚</small> 廣茂 煨當	歸 <small>去蘆</small> 枳殼 <small>去瓢</small> 青皮 <small>各半兩</small> 黃檗 香附子 <small>炒</small> 去毛各一兩 牽牛 <small>頭末</small> 二兩	右為細末滴水為丸如梧桐子大每服五七十九食 欽定四庫全書 瑞竹堂經驗方	後薑湯送下若有瘡毒急服百丸至二百丸看人 虛實加減服但利五七行立消腫毒	勝紅丸 治心腹痞滿消食快氣美進飲食 三稜 <small>醋炙</small> 廣茂 <small>醋炙</small> 青皮 <small>去瓢炒</small> 陳皮 <small>去白</small> 乾薑 炮 良薑 枳實 <small>去瓢炒</small> 白朮 <small>煨</small> 蘿蔔子 <small>炒別研各</small>	一兩 香附子 <small>炒去毛</small> 二兩	右為細末醋糊為丸如梧桐子大每服五七十九薑湯或木香湯陳皮湯下不拘時候
--	---------------------------	------------------	---	---	--	---------------------------------------	--	------------------------------	-----------------------------------



<p>木香丸 治酒食過傷停飲消積寬胸膈快脾胃</p>	<p>丁香 乳香 木香 麝香 安息香</p>	<p>沉香 藿香 青橘皮 陳皮 檳</p>	<p>椰 訶子皮 京三稜 蓬莪朮 肉</p>	<p>豆蔻 桂 豬牙皂角</p>	<p>巴豆 細墨</p>	<p>右用陳米四兩與皂角墨巴豆同炒令焦黃用重紙</p>	<p>裏候冷同前藥碾為細末白麪糊為丸如黃米穀</p>	<p>欽定四庫全書 瑞竹堂經驗方</p>	<p>大每服五七丸至十九丸食後薑湯送下如欲推利</p>	<p>服十五丸利三二行勿多服</p>	<p>松烟餅子 治積氣塊消食快氣</p>	<p>細墨 陳皮 牽牛 神麴</p>	<p>炒 三稜 密陀僧 五靈脂 礪砂</p>	<p>牡礪 麥蘖 大黃 北棗</p>	<p>斑猫 芫花 乾漆</p>	<p>白丁香 大戟 青礞石 蓬莪朮</p>
----------------------------	------------------------	-----------------------	------------------------	------------------	--------------	-----------------------------	----------------------------	----------------------	-----------------------------	--------------------	----------------------	--------------------	------------------------	--------------------	-----------------	-----------------------



欽定四庫全書		瑞竹堂經驗方	
右為細末打麪糊為丸如皂角子大捻為餅子臨用 為粗末記以所傷煎湯送下或麪湯亦可小兒三 餅大人看稟氣虛實加四五餅其積塊漸漸近下 再進一服又覺近下或積氣疝血痞塞大人小兒 久痢或休息痢并男子婦人年深不伏水土及暑 月變成惡痢米物不消五痞塊逆格胃吐食心胃 悶閉酒疸食黃勞嗽上喘嘔逆涎沫心閉驚恐口			
苦惡心小便淋澀大便不通傷寒餘毒婦人胎前 產後敗血結成積塊飲食平常遍身疼痛腰強腿 硬手足眩厥九種心疼十般積熱九般水氣霍亂 吐瀉久病瘦弱但有此證並皆治之			
勞傷			
沉麝香茸丸 治五癆百損諸虛精怯元氣不固			
沉香 二錢	麝香 一錢	南木香	乳香 各三錢
八角			
茴香 四錢	小茴香 四錢	鹿茸 酥炙	蓮肉 炒各半兩



<p>晚蠶沙 肉蓯蓉 兔絲子 牛膝 川練子<small>酒浸</small></p> <p>各半 地龍<small>去土淨</small> 陳皮<small>半兩</small> 仙靈皮<small>三錢</small></p> <p>兩 半兩 去白 酥炙</p>	<p>右為細末酒糊入麝香為丸如梧桐子大每朝不見紅日面東用溫酒送下三十九丸忌食羊血豆粉之物</p>	<p>萬安丸</p> <p>川練子<small>半斤微炒出汗</small> 知母<small>半斤微炒出汗</small> 甘草<small>四兩微炒</small> 茵</p>	<p>香<small>四兩炒黃色</small> 蓮子心 木香<small>各一兩</small> 晚蠶沙<small>一兩微炒</small></p>	<p>欽定四庫全書 瑞竹堂經驗方</p> <p>右將甘草茵香二味先搗為末以四兩熬膏外將餘四兩與其餘藥同為末用膏為丸如梧桐子大每服七八十九丸空心溫酒送下</p>	<p>聚寶丹 治五勞七傷諸虛不足溫中正氣祛風活血</p> <p>逐寒除濕填精益髓強陰壯陽聰耳明目開心益智</p> <p>暖胃化食消痰寬中殺九蟲通七竅補五臟祕精氣</p> <p>止夢遺除欬嗽養肌膚治腰膝疼痛</p>	<p>白茯苓<small>皮去</small> 山茱萸<small>核去</small> 五味子 乾山藥 石</p>
--	--	--	--	---	--	--



<p>蓮肉 雞豆肉 金櫻子 巴戟<small>去心</small> 破故紙<small>炒</small></p> <p>杜仲<small>去粗皮 炒斷絲</small> 牛膝<small>酒浸</small> 熟地黄<small>酒浸 焙</small> 石菖蒲</p> <p>遠志<small>去心</small> 枸杞子<small>酒浸 焙</small> 龍骨 楮實 茴香</p> <p>炒 仙茅 肉蓯蓉<small>酒浸 焙乾</small> 沉香<small>各一兩</small></p>	<p>右為細末棗肉為丸如梧桐子大每服五十九丸以硃砂為衣空心溫酒鹽湯送下如有氣滯不順用木香調氣散入鹽少許湯調送下</p>	<p>金鎖正元丹 治男子五勞七傷沉寒痼冷四肢厥逆</p> <p>欽定四庫全書 瑞竹堂經驗方</p>	<p>陰盛身寒臍腹久痛臟腑軟弱困倦少力飲食遲化</p> <p>澀精補氣久服強健駐顏</p> <p>白僵蠶<small>炒</small> 破故紙<small>炒</small> 白龍骨 山茱萸<small>湯浸 去核</small></p>	<p>桑螵蛸<small>炒</small> 黑附子<small>炮</small> 肉蓯蓉<small>酒浸</small> 牛膝<small>酒浸</small></p>	<p>兔絲子<small>酒浸 各半兩</small> 韭子<small>炒 二兩</small></p> <p>右為細末煉蜜為丸如梧桐子大每服二三十丸空心溫酒送下日進二服常服有益婦人亦可服</p>	<p>神應丸 治男子婦人五勞七傷</p>
--	---	---	--	---	---	----------------------



<p>大黃 <small>六兩 去皮淨</small> 黃連 <small>四兩 淨</small> 血竭 <small>三兩</small> 犀角末 <small>二兩</small> 仙人蓋 <small>一箇 醋炙 黃色</small> 九肋鱉甲 牛黃 <small>二錢</small> 靈礬</p>	<p>兩 二</p>	<p>右為末用好醋一斗入砂鍋內文武火熬醋盡焙乾 再為極細末酒糊為丸如彈子大每服一丸服藥 須要除破日面東男子用酒將藥化開空心溫服 婦人用紅花好酒一盞半煎至七分去紅花滓將 藥化開面東空心服之服藥後十日內忌生冷酒</p>	<p>欽定四庫全書 瑞竹堂經驗方</p>	<p>肉麪等物</p>	<p>遺濁</p>	<p>鎖精丸 治精滑不禁</p>	<p>川獨活 川續斷 穀精草 石蓮肉 <small>去殼</small> 生雞</p>	<p>豆 <small>去殼</small> 蓮心 乾菱米 川練子 <small>酥炒</small> 金櫻子</p>	<p>繫龍骨 <small>五色</small> 白茯苓 木豬苓 小茴香 藕節</p>	<p>右各等分為細末鷄清為丸如梧桐子大每服四五</p>	<p>十丸空心鹽湯送下乾物壓之</p>
---	------------	---	---	-------------	-----------	------------------	---	---	---	-----------------------------	---------------------



辰砂妙香散 治夢中遺精每服一匕虛者溫酒調熱 者麥門冬去心濃煎湯調 <small>方缺</small>	芡實丸 治思慮傷心小便赤澀遺精白濁 <small>方缺</small>	通治還少丹 治心腎俱虛漏精白濁	山藥 <small>炮</small> 牛膝 <small>去苗酒</small> 山茱萸 <small>水洗</small> 白茯苓	舶上茴香 <small>炒各一兩半</small> 兔絲子 <small>酒浸</small> 續斷 <small>去蘆各一</small>	兩	右為末煉密丸如梧桐子大每服三十九丸鹽湯下	欽定四庫全書 瑞竹堂經驗方	分清飲 通心氣補漏精治小便餘瀝并赤白濁	益智 川草薺 石菖蒲 <small>鹽炒</small> 天台烏藥	右等分判為散入鹽少許煎空心服	瑞竹堂經驗方卷一
---	-------------------------------------	-----------------	---	--	---	----------------------	---------------	---------------------	-----------------------------------	----------------	----------



飲定四庫全書		瑞竹堂經驗方卷二		元沙圖穆蘇編	
喘嗽		秘痰丸 治風痰喘嗽		人參 木香 天麻 白朮 <small>煨</small> 茯苓 青皮 <small>去</small>	
角 <small>去皮弦酥</small> 炙五錢		陳皮 <small>去白各</small> 一兩 槐角子 半夏 <small>各七錢半</small> 豬牙皂		右為細末生薑自然汁打糊為丸如梧桐子大每服	
欽定四庫全書		瑞竹堂經驗方		五七十丸食後臨卧温酒送下薑湯亦可	
僵蚕湯 治喘嗽喉中如鋸不能睡卧		好末茶 <small>一兩</small> 白僵蚕 <small>一兩</small>		右為細末放碗內傾沸湯一小盞用盞蓋定臨卧再	
添湯點服		痰飲		化痰丸 快脾順氣化痰消食	
半夏 <small>洗</small> 南星 <small>去皮</small> 白礬 皂角 <small>碎切</small> 生薑					



右各一斤用水同煮至南星無白點為度揀去皂角	不用將生薑切片同半夏南星晒乾無日色火焙	再加 青皮 <small>去瓢</small> 陳皮 <small>去白</small> 紫蘇子 <small>炒</small> 蘿蔔子	炒別 杏仁 <small>去皮尖</small> 乾葛 神麩 <small>炒</small> 麥蘖 <small>炒</small>	糖毬子 香附子 <small>炒去毛</small>	右加藥共半斤與前藥合和一處碾為細末生薑自然汁浸蒸餅打糊為丸如梧桐子大每服五七十	丸臨睡食後茶酒送下	欽定四庫全書 瑞竹堂經驗方	神仙墜痰丸 治痰壅胃痞氣湊 <small>史府判驗</small>	黑牽牛 <small>一斤取頭末四兩</small> 皂角 <small>無虫蛀者去皮弦酥炙黃色去子淨一兩六錢</small>	生白礬 <small>一兩二錢</small>	右為細末清水為丸如梧桐子大每服三五十九漸加至百丸空心溫酒送下看病輕重五日十日一服病輕者半月一月一服久服永無癱瘓之疾	滌痰丸 治男子婦人遠年日久積聚痰涎或飲酒食後吐唾日久面黃肌瘦皮肉枯澀眼無神光又治偏
----------------------	---------------------	---	---	----------------------------	---	-----------	------------------	-----------------------------------	---	-------------------------	---	---



正頭風如一月服三五服至老無風癰之疾
鎮江太平宣差

好皂角
不要虫蛀損者一十兩水浸一宿去皮弦火炙黃色取淨末二兩五錢
豬

牙皂角
一兩依皂角製法
枳殼
二兩五錢一兩半火炒一兩生用
黑

牽牛
二兩末

右用朴硝五錢井花水泡開不用滓末澄清硝水為丸

如梧桐子大每服五十九丸臨卧用井花水送下量

人虛實加減丸數服之

欽定四庫全書

瑞竹堂經驗方

敵痰丸 治痰盛寬胸膈快氣
完顏府判傳

黑牽牛
三兩
皂角
二兩去皮弦火中微燒
白礬
一兩
半

夏麩
炒一兩
陳皮
去白一兩

右為細末煮蘿蔔為丸如梧桐子大每服四五十丸

臨卧淡薑湯送下

化痰丸 治頑痰不化

石青
一兩水飛
石綠
半兩水飛

右為末麪糊為丸如菘豆大每服十九丸温湯下有痰



即吐去一二碗不損人

生胃丸 治脾胃不足痰多嘔逆不思飲食此藥以南

星粟米黃土為主蓋為南星醒脾去痰粟養胃黃土

取其以上養土性味溫平美進飲食化痰之要劑真

良方也

大天南星

四兩用真黃土半斤將生薑滓和黃土成劑包裹南星慢火煨香透去土將南

星切碎

焙乾

丁香

木香

厚朴

去皮薑製炒

神麴

炒

麥蘖

炒

橘紅

白豆蔻仁

縮砂仁

青皮

去白

欽定四庫全書

瑞竹堂經驗方

各一兩

半夏麴

二兩

人參

半兩

沉香

半兩

粟米

一升用生薑二升和皮搗碎取自然汁浸粟米蒸焙

甘草

半兩

右為細末法丸如菘豆大每服七十丸不拘時薑湯

送下

四妙丸 治脾胃虛弱脾土不能化痰成窠斗停於胸

臆飲食既少復遲當以實脾土則痰下氣順

肉豆蔻

一兩用鹽酒浸破故紙同炒乾燥不用故紙

山藥

一兩酒浸北五味子

同炒乾燥不用五味子

厚朴

二兩去粗皮青鹽一兩同炒青鹽不見烟為度不用鹽



大半夏 <small>一兩每箇切作二塊木豬苓亦作片水浸炒燥不用豬苓</small>	右為細末酒糊為丸如梧桐子大辰砂一分沉香一分作二次上為衣陰乾每服五七十九丸空心鹽酒或米飲或鹽湯送下	四製蒼朮丸 燥脾土固真養胃	蒼朮 <small>一斤分作四分製一分用破故紙小茴香同炒一分用川楝子同炒一分用川椒同炒一分用青鹽同炒</small>	右同炒畢餘藥不用止用蒼朮為末酒糊為丸如梧桐子大每服五十九丸空心米飲送下	欽定四庫全書 瑞竹堂經驗方	寬中祛痰丸 治男子婦人飲食過多色慾太過食喜酸醎作成痰飲於膈滿則嘔逆惡心流則臂膊大痛升則頭目昏眩降則腰脚重痛輕則左癱右瘓重則猛然倒地此藥寬中理氣祛痰搜風	半夏 <small>四兩湯泡七次晒碾為末用生薑自然汁捏作餅子陰乾</small>	荆芥穗 一兩	白礬 <small>一兩</small>	麻黃 <small>四兩去節</small>	硃砂 <small>一兩研細水飛過一半入藥一</small>	槐角子 <small>一兩</small>	陳皮 <small>湯洗去白一兩</small>
--	--	------------------	---	-------------------------------------	------------------	--	---	-----------	-------------------------	---------------------------	-----------------------------------	--------------------------	-----------------------------



右為細末生薑自然汁打糊為丸如梧桐子大每服 三十丸空心臨卧用皂角子仁炒黃同生薑煎湯 送下忌食豬羊血豬肉桑鵝蔴菇黃瓜茄子等物	反胃	丁香散 治反胃吐食水不能停	黑錫 <small>一錢半又</small> <small>名黑鉛</small> 水銀 <small>一錢半二件合於</small> <small>慢火上焙為細末</small> 丁香	三錢 官桂 <small>一錢</small> 舶上硫黃 <small>五錢</small>	右為細末用小黃米湯及生薑自然汁三錢調每空	欽定四庫全書 瑞竹堂經驗方	心服三錢	千轉丹 治反胃吐食等病	牛涎 <small>半斤</small> 好蜜 <small>半斤</small> 木鼈子 <small>三十個去</small> <small>皮油為末</small>	右合放於銀器內慢火熬用槐條七枝攪之煨乾為 度每和白粥兩匙日進三服	急救仙方 專治反胃反胃之病十有九死非藥不效	良因輒強以食先飲以羹湯是速其吐今得其說不 強以食絕其羹湯先投來復丹暑藥知其非伏暑証
--	----	---------------	---	--	----------------------	------------------	------	-------------	--	-------------------------------------	-----------------------	--



遂投養正靈砂之類飢則以飯炒香乾啖之不與一點湯水三日後竟不復吐飲食如初再治方用

又方

甘蔗擣汁七升生薑擣汁一升打和分作三服

又方

棗子一箇去核裏全斑猫一箇用文武火煨畢去猫用棗空心服之白湯送下

九仙餅 治反胃

欽定四庫全書

瑞竹堂經驗方

人參 南木香

不見火

南星

薑汁洗七次各二錢

甘草

錢

半夏

薑汁洗七次五錢

枳殼

去瓢麪炒

白礬

明淨者火枯

豆

豉

煨過各八錢重

厚朴

薑汁浸炒乾五錢重

右等分製為細末候夜間晴時露過以人參厚朴煎

湯糊作餅子小平錢大慢火焙乾每服一餅用薑

一大塊切作兩片夾餅子藥用紙裹浸濕慢火煨

熟連薑及餅子嚼碎以真料平胃散調湯吞下切

忌諸般冷物生物仍令病者寬心開懷服藥調理



方見效	
濕氣	
蒼朮散 治風濕常服壯筋骨健步	
蒼朮	一斤用粟米泔浸過竹刀刮去皮半斤童子小便浸半斤無灰好酒浸
右春五日夏三日秋七日冬十日取出蒼朮於淨地上攤一坑以炭火煨紅去炭將蒼朮及酒小便同傾坑內瓦器蓋覆用泥封固經一宿取出蒼朮為細末每服一錢空心鹽湯或酒調下常服除濕壯筋骨明目	
欽定四庫全書 瑞竹堂經驗方	
黑弩箭丸 治風濕證	
兩頭尖	五靈脂 各一兩
沒藥	當歸 乳香
研各三錢	
右為細末醋糊為丸如梧桐子大每服一十九至五十九丸臨卧溫酒下忌油膩濕麪孕婦勿服	
導水丸	
黃芩	二兩去粗皮
大黃	二兩去粗皮酒浸三時紙裹火煨
黑牽牛	



一斤炒香取 頭末四兩 滑石 四兩研細 飛去灰石	右為細末滴水為丸如梧桐子大每服五七十九丸臨	卧溫水送下如加黃連薄荷葉川芎各二錢半即	神芎丸也詳證加後藥 甘遂 一兩久雨則加除 濕熱腰痛泄水濕	腫 白芥子 一兩除適身 走疰疼痛 朴硝 退熱散腫止 痛以旱則加	郁李仁 散滯結通關節 行腸胃通滯 樟柳根 去腰腿沉 重各一兩	透骨膏治一切風濕走注疼痛	生熟地黃 各半 馬鞭草 斤 吳茱萸 各三 白麪 兩	欽定四庫全書 瑞竹堂經驗方	骨碎補 敗薑屑 各四兩即 乾生薑 鱉甲 三斤 蒲	黃 二兩	右為細末用米醋調似膏子於火上溫熱塗於痛處	用紙裹著候藥冷再用熱塗如此七次於避風處	用	接骨丹 逐濕氣定痛疼腫疾並皆治之	骨碎補 去毛 一斤 敗薑 生地黃 去土洗淨 各一斤 蒲黃	半斤 白麪 斤二
----------------------------------	-----------------------	---------------------	---------------------------------	---------------------------------------	--------------------------------------	--------------	------------------------------------	------------------	--------------------------------	------	----------------------	---------------------	---	------------------	------------------------------------	----------



<p>右為細末拌勻用隔年好米醋熬熱調藥敷於痛處 如藥冷再用熱醋調敷如此七次用綿包之大有 神效此一料分作七服七日用之</p>	
<p>如神散 治風濕手臂痛左癱右瘓風氣等證</p>	
<p>真皂角 <small>去皮弦</small> 八兩</p>	<p>海亦兒 <small>半兩即合孩兒香茶者是</small> 北棗 <small>四兩</small></p>
<p>右先將皂角熬成清汁濾去滓將棗及海亦兒入磁器內用桑柴文武火熬至七分去海亦兒熬乾為度取棗藏於磁器每服兩三箇細嚼嚥下後飲酒</p>	
<p>欽定四庫全書 瑞竹堂經驗方</p>	
<p>一盞三四箇之上不得多喫</p>	
<p>木瓜虎骨丸 治風寒濕客於榮衛合而成痺使肢節疼痛麻痺不仁手臂無力頂背拘急脚膝筋攣不能屈伸宜常服</p>	
<p>木瓜肉 麒麟竭 <small>另研</small></p>	<p>沒藥 <small>另研</small> 自然銅 <small>煨醋七次研</small></p>
<p>木香 虎脛骨 <small>酒炙</small></p>	<p>楓香脂 <small>研</small> 敗龜板 <small>醋炙</small></p>
<p>骨碎補 <small>去毛</small> 甜瓜子 真桂 <small>去粗皮</small> 當歸身 <small>剉焙</small></p>	<p>乳香 <small>另研</small> 地龍 <small>去土</small> 安息香 <small>湯酒煮入</small></p>



<p>右為細末拌勻酒糊為丸如梧桐子大每服三十九</p>	<p>溫酒送下煎木瓜湯下亦可漸加至五十丸食前</p>	<p>臨卧各進一服忌食冷物濕麪諸血等物</p>	<p>聖靈丹 治男子婦人風濕相搏氣痺傳於手足麻腫</p>	<p>疼痛久則偏枯及脚氣不能行履大治癱瘓風濕手</p>	<p>足復舊</p>	<p>川烏 <small>生去皮臍切片</small> 草烏 <small>去皮尖切片鹽炒</small> 麻黃 <small>去根</small></p>	<p>節微炒 去汗 生地黄 <small>洗去苗剉碎酒浸一宿焙酥黃色</small> 自然銅 <small>淬醋</small></p>	<p>欽定四庫全書 瑞竹堂經驗方</p>	<p>七次研 各一兩 五靈脂 <small>揀去炒石微</small> 虎脛骨 <small>醋浸炙</small></p>	<p>廣木香 <small>半二錢</small> 乳香 <small>另研</small> 沒藥 <small>炙研各</small> 乾酸</p>	<p>木瓜 <small>生者八兩</small> 甜瓜子 <small>炒黃色一兩</small> 沉香 <small>五錢</small> 敗龜</p>	<p>板 <small>卜卦者醋炙黃酥七錢半</small></p>	<p>右為細末煉白沙蜜冷定和藥成劑每一兩分為一</p>	<p>十二丸每服二丸隔夜以生薑自然汁入磁盞同</p>	<p>浸至天明化開空心溫酒調服再飲盞熱酒送下</p>	<p>日進二服唇吻微麻無妨</p>
-----------------------------	----------------------------	-------------------------	------------------------------	-----------------------------	------------	--	--	----------------------	--	---	--	------------------------------------	-----------------------------	----------------------------	----------------------------	-------------------



甜瓜子丸 治風濕相搏腰脚疼痛服之大效	甜瓜子 淨二兩 炒黃色	乾木瓜 一兩半 去皮瓤	葳靈仙 一兩
川烏頭 半兩炮 去皮臍	右為細末酒煮麪糊為丸如梧桐子大每服三十九	溫酒下避風處少息汗出為度服藥後當日忌食	熱物及相反藥材如半夏瓜萋貝母白芨之類若
病在上食後服病在下食前服	諸痛	欽定四庫全書	瑞竹堂經驗方
四倍丸 治腰膝疼痛進美飲食	杜仲 四兩瓦器內 炒黃色去絲	破故紙 四兩瓦器 內炒黃色	甘草 四兩
胡桃仁 四兩去 皮油	右為細末酒糊為丸如梧桐子大每服五七十九空	心用甘草末調湯送下	沒藥延胡散 治男子婦人急心氣腹痛
延胡索 海帶 各五錢	沒藥 四錢	良薑 三錢	右為細末每服三錢溫酒調服不拘時候



<p>復春丹 治腰腿疼痛</p>	<p>杜仲 <small>酥炒 斷絲</small> 破故紙 <small>酒浸一宿用 脂麻炒黃色</small> 葶藶 <small>酥炙 黃</small></p>	<p>巴戟 <small>去心各 一兩</small> 沉香 <small>五錢</small></p>	<p>右為細末醋糊為丸如梧桐子大每服五七十九空</p>	<p>心服每服藥時先嚼胡桃一枚同藥溫酒送下乾</p>	<p>物壓之</p>	<p>蒼朮丸 治腰腿疼痛明目暖水臟并小腸疝氣大有</p>	<p>補益</p>	<p>欽定四庫全書 瑞竹堂經驗方</p>	<p>蒼朮 <small>一斤用泔浸去皮切作片用生葱白一片切碎加鹽二兩同炒蒼朮黃色為度去葱不用</small></p>	<p>川椒 <small>微炒</small> 白茯苓 <small>去皮</small> 小茴香 <small>微炒各 四兩</small></p>	<p>右為細末酒糊為丸如梧桐子大每服五七十九空</p>	<p>心溫酒送下</p>	<p>徐神翁神效地仙方 治筋骨疼痛打撲損傷仙朮湯</p>	<p>送下除寒濕進飲食</p>	<p>川烏 <small>一箇 去尖</small> 草烏 <small>五箇 去尖</small> 荆芥 <small>去枝 半兩</small> 蒼朮 <small>一兩 米泔</small></p>	<p>浸炒 <small>一宿</small> 自然銅 <small>一字 研</small> 白芷 地龍 沒藥 <small>各半 兩研</small></p>
------------------	--	--	-----------------------------	----------------------------	------------	------------------------------	-----------	--------------------------	---	---	-----------------------------	--------------	------------------------------	-----------------	--	---



肉蓯蓉	木香	芸臺子	葶藶子	香附子	芫花	巴戟	心去
錢各二	錢各二						
兩各半	天雄	白檀	槐角子	白芷	沉香		
兩各半	筒二						
椒	細辛	狗脊	地豆	芎藭	甘松		
			大者白				
			眉者佳				
菜萸	山菜萸	天仙子	蘿蔔子	川			
兩各一	核去						
紫梢花	肉桂	大丁香	蛇床子	吳			
	成塊帶						
	蒂者佳						
用藥人自知							
洗浴如火熱婦人每日熏浴之使精穢血如黑汁下							
五錢鹽少許同煎三五十沸傾在盆內熏之漸通手							
赤白帶下產後血暈氣等疾用酸漿水一大椀藥末							
陰汗不止腸風下血有痔即散有漏平瘡兼治婦人							
鐵刷湯 治男子婦人一切陰寒失精色敗腰膝疼痛							
溫酒送下							
右為細末醋糊為丸如梧桐子大每服一十九丸食後							
乳香	葛苴種	黃瓜種	梢瓜種	木鼈			
半錢							
研							
子	半兩	錢二					
錢各一	文二						

欽定四庫全書

瑞竹堂經驗方



右為粗末每煎熏洗

脚氣

治風濕脚氣

好川烏

一兩
生用

無名異

二兩
研

石亭指

一兩
生用
研

右為細末用葱白搗爛紐自然汁為丸如梧桐子大

每服只一錢重空心生薑淡茶吞下一日一服

敷藥

草烏 白芷 防風 獨活 羌活

欽定四庫全書

瑞竹堂經驗方

右等分為細末用生地龍數條研爛酸米醋調敷

飛步丸 治陰陽風濕脚氣手臂舉動不起無問遠近

並皆治之

紫金皮

二斤取頭末八兩揀時嚼似腦
子味透頂者方佳又名滑藤根

五加皮

二兩五錢
焙乾

肥川烏

二兩五錢
去皮生用

蒼朮

二兩五錢米泔水浸一宿

焙乾

木鼈子仁

四兩竹刀切片用三年米
酸浸三宿其油已去焙乾

右為細末醋糊為丸如兩魚眼睛大每服三十至五

十丸空心用鹽木瓜少許細嚼和藥無灰酒送下



<p>忌動風物</p>	<p>復春丸 治腰脚風濕勞損手足麻痺筋骨疼痛不能</p>	<p>屈伸活血注顏補虛</p>	<p>葶藶 兩 破故紙 炒 杜仲 絲 炒 去 胡蘆芭 炒</p>	<p>木通 兩 骨碎補 毛 去 虎骨 酥 炙 乳香 研</p>	<p>檳榔 沒藥 木香 兩 各 甜瓜子 兩 炒 三 牛膝</p>	<p>去蘆酒 浸焙乾 巴戟 二 兩 去心 各 胡桃仁 另 研 極 細</p>	<p>黑附子 炮 一 兩</p>	<p>欽定四庫全書 瑞竹堂經驗方</p>	<p>右為細末再與胡桃仁同研極細酒糊為丸如梧桐</p>	<p>子大每服四五十丸食前溫酒送下</p>	<p>騙馬丹 治寒濕脚氣四肢疼痛補五臟壯筋骨補精</p>	<p>髓駐顏黑髮鬢健行步大宜常服</p>	<p>胡蘆芭 鹽 炒 破故紙 香 鹽 炒 金剛骨 酒 浸 一 宿 晒 鹽 炒</p>	<p>骨碎補 去 毛 炒 甜瓜子 鹽 炒 胡桃仁 另 研 細</p>	<p>乳香 另 研 沒藥 另 研 自然銅 火 煨 醋 蘸 七 次 各 半 兩</p>	<p>右除另研外共為細末醋糊為丸如梧桐子大每服</p>
-------------	------------------------------	-----------------	----------------------------------	---------------------------------	----------------------------------	--	------------------	----------------------	-----------------------------	-----------------------	------------------------------	----------------------	--	------------------------------------	--	-----------------------------



白帶鬚者	山茱萸 吳茱萸 蛇床子 牡蠣 川椒 葱	煑棍藥	心連滓熱服立見效	右為細末每服一錢水一盞煎至七分入鹽少許空	乳香 <small>錢一</small> 蝎蛸 <small>錢一</small> 川烏頭 <small>去皮生用三錢</small>	香蝎散 治小腸疝氣陰囊腫痛	疝	欽定四庫全書 瑞竹堂經驗方	丸如梧桐子大每服四五十九空心溫酒送下	右曝乾為末春秋冬用浸藥酒為糊夏別用酒為糊	透易為剝皮	四日用酒浸令	五加皮 <small>四兩酒浸春秋三日夏二日冬四日</small> 遠志 <small>去心四兩春秋三日夏二日冬</small>	飲食行有力不事	五加皮丸 治男子婦人脚氣骨節皮膚腫濕疼痛進	三服	三十九丸溫酒送下病在上食後病在下食前日進
------	---------------------	-----	----------	----------------------	---	---------------	---	------------------	--------------------	----------------------	-------	--------	--	---------	-----------------------	----	----------------------



<p>右各等分咬咀每用三錢熬水熏洗又玉蟾棍詩曰 三歲嬰孩性不調休教二子放疎嬌一張衲被幪 頭了自有神仙路一條</p>	<p>川練茴香散 治小腸疝氣疼痛</p>	<p>木香 茴香 <small>鹽炒香不用鹽</small> 川練子 <small>切片鹽炒同鹽用</small></p>	<p>右各等分為細末每服三錢熱酒一盞空心調服</p>	<p>神效丸 治疝氣奔豚嬰核 <small>并附秘訣</small></p>	<p>芫花 <small>半兩醋浸炒</small> 木香 檳榔 三稜 <small>炒各半兩</small> 茯苓</p>	<p>欽定四庫全書 瑞竹堂經驗方</p>	<p>青皮 全蝎 附子 <small>炮</small> 硃砂 <small>研末</small> 桂 <small>各二錢半</small></p>	<p>右將礪砂用水浸磁蓋內去滓留湯以瓶頓成膏子</p>	<p>米醋打糊為丸如菘豆大每服三十九丸空心温酒</p>	<p>送下秘訣云疝氣因何得邪風在腎經流傳並血</p>	<p>聚如此漸成形冷氣結在臟因茲小腹疼本經無</p>	<p>補法疎利藥通靈</p>	<p>喝氣丸 治小腸氣及腰痛</p>	<p>葶藶 杜仲 <small>酥炒去絲</small> 葫蘆巴 <small>生脂蘇炒拌炒</small> 破故</p>
---	----------------------	---	----------------------------	--	--	----------------------	---	-----------------------------	-----------------------------	----------------------------	----------------------------	----------------	--------------------	---



<p>紙<small>炒</small> 小茴香<small>鹽水浸一宿各一兩</small> 胡桃仁<small>二兩湯去皮</small></p>	<p>右將胡桃為末同前五味藥末為丸如梧桐子大每服三五十九丸空心鹽酒送下或鹽湯亦可</p>	<p>飛黃丹 治小腸疝氣疼痛</p>	<p>用帶毛雀兒取去腸肚將金絲礬研細裝放雀兒肚滿縫合用桑柴火緩緩煨燒成炭研為細末空心用無灰酒調下恐惡心入鹽湯少許年遠者每服二枚近者一枚累有效驗</p>	<p>欽定四庫全書 瑞竹堂經驗方</p>	<p>木香練子散 治小腸疝氣膀胱偏墜久患藥不效者服此其效如神</p>	<p>川練子<small>三十箇為末未碾前先用巴豆二十粒同練子炒黃赤色去巴豆不用</small> 草</p>	<p>薤<small>兩半</small> 石菖蒲<small>炒二兩</small> 青木香<small>炒一兩</small> 荔枝核<small>十二</small></p>	<p><small>炒箇</small> 右為細末每服二錢重入麝香少許空心炒茴香鹽酒調下</p>	<p>通氣散 治小腸疝氣腰腹牽引疼痛及感風寒或因</p>
---	--	--------------------	---	--------------------------	------------------------------------	--	--	--	------------------------------



延胡索 <small>炒 微</small>	海藻 <small>洗</small>	昆布 <small>洗</small>	青皮 <small>去 白</small>	茴香
不能忍者	安息香丸 治陰氣下墜腫脹卵核偏大堅硬如石痛	送下甚者日進二服	右等分為細末煉蜜為丸如彈子大空心細嚼溫酒	香沙丸
茴香 <small>鹽炒香去 不用</small>	新蠶沙 <small>乾 晒</small>			
木賊 <small>不計多少去節先將 鍋子燒熱取離火炒</small>	木賊散 治小腸疝氣	右為細末每服二錢空心溫酒調下病在上者食後		
厚朴 <small>去皮 一兩</small>	甘草 <small>炙 一兩</small>	黑牽牛 <small>炒 半兩</small>	舶上硫黃	延胡索
陳皮 <small>去白淨 一兩</small>	木香 <small>一兩半 不見火</small>	白牽牛 <small>炒 一兩</small>	穿山甲 <small>劉細用蛤粉炒 張去粉二兩重</small>	悉治有功
勞動腰痛并治婦人吹妳心氣脾痛瘡癬已潰未潰				



右為細末入生麝香少許每服二錢食前溫酒下淋	露蜂房 血餘 白茅根	膀胱受熱小便淋澀臍下脹痛	絳宮湯 治三焦氣滯腹脇主痛因服熱藥引入下焦	一二服立效	右為細末空心用葱白濃煎湯調服無問諸般淋證	琥珀 二錢明者研細	淋澀諸般沙石者	欽定四庫全書	瑞竹堂經驗方	下	大每服一十九至十五丸空心用綿子灰調酒送	細研麝香一錢沒藥二錢半拌勻前藥丸如菘豆	各二錢半淘去沙石再用酒醋各一盞熬成膏入	右為細末用酒醋各一盞入礪砂真阿魏真安息香	大戟 酒浸三宿切片 焙乾二錢半	川練子 去核 馬蘭花 炒各一兩 木香 半兩不見火
----------------------	------------	--------------	-----------------------	-------	----------------------	-----------	---------	--------	--------	---	---------------------	---------------------	---------------------	----------------------	-----------------	--------------------------



<p>止不須服甚者不過三五服有效</p>	<p>泄</p>	<p>紅豆丸 治臟腑泄瀉名為殮泄</p>	<p>麥蘖 <small>炒</small> 半夏 <small>湯泡七次</small> 縮砂仁 神麩 <small>各一兩半炒</small></p>	<p>礪砂 <small>化醋</small> 甘草 青皮 <small>去瓢</small> 陳皮 <small>去白</small> 鬱金 紅</p>	<p>豆 藿香 棠棣 蓬朮 <small>各一兩煨</small> 良薑 華芩 <small>各二兩</small></p>	<p>丁香 <small>半兩不見火</small></p>	<p>右為細末水煮麪糊為丸如梧桐子大每服一百丸</p>	<p>欽定四庫全書 瑞竹堂經驗方</p>	<p>米飲或隨物空心下病甚者日進三服</p>	<p>建中丸 治脾胃氣弱胃犯風冷腹痛腸鳴泄瀉經云</p>	<p>食畢而中謂之洞泄手足冷面色青白下部虛寒中</p>	<p>滿氣短常服寬中建脾養胃育真固氣</p>	<p>大附子 <small>炮去皮臍</small> 大川烏 <small>炮去皮臍</small> 桂心 胡椒 華</p>	<p>芩 乾薑 良薑 <small>炒</small> 吳茱萸 <small>湯去核</small></p>	<p>右各等分為細末醋糊為丸如梧桐子大每服五七</p>	<p>十九丸空心食前米飲下</p>
----------------------	----------	----------------------	---	---	--	--------------------------------	-----------------------------	----------------------	------------------------	------------------------------	-----------------------------	------------------------	--	--	-----------------------------	-------------------



<p>蠱</p>	<p>香棗丸 治蠱氣病蠱有十種</p>	<p>苦丁香</p>	<p>右為細末用熟棗肉為丸如梧桐子大每服三十九</p>	<p>丸煎棗湯送下空心服之立效三服必愈</p>	<p>欽定四庫全書</p> <p>瑞竹堂經驗方</p>	<p>瑞竹堂經驗方卷二</p>
----------	---------------------	------------	-----------------------------	-------------------------	-----------------------------	-----------------



欽定四庫全書

子部
瑞竹堂經驗方卷五
三五

詳校官太醫院恩糧孔毓秀
編修臣倉聖脈履勘

謄錄貢生臣苗序彥



欽定四庫全書

瑞竹堂經驗方卷三

元沙圖穆蘇編

眼

大全寶光散 治遠年近日風弦爛眼除昏退翳止淚

截赤定痛

黃連 半斤 去鬚 當歸 一兩 蕤仁 一兩六錢 去皮油

生白礬 二兩 二錢 甘草 二兩 三分 杏仁 二兩四錢 去皮尖

草龍膽 四兩 八分 乾薑 二兩 四分 赤芍藥 三兩 三錢

欽定四庫全書

瑞竹堂經驗方

右用骨刀子剉細秫米大不擣每用二錢水一大盞煎數沸去滓熱洗

治遠年風眼

杏仁 三十一箇去尖分作三分 粉草 一寸分作三分

漱口淨將杏仁一分甘草一分同嚼爛如泥吐於磁盞內三分俱如此再將銅綠二錢研為極細末與前藥和勻用新汲井水一盞將水漱口吐於藥內如法攪勻以帛濾過澄清於眼大角點之立效勿令塵坐



於藥內

治近年之眼

銅綠研
寒水石研

右各等分碾為細末用五七沸滾水浸藥攪勻澄清

將水面藥膜掠去將清藥水於眼大角點之勿令塵

坐於藥內立效

截惡眼立效方

好明礬如黑豆大一塊
山梔子一箇去皮

欽定四庫全書

瑞竹堂經驗方

右為粗末絹帛包定用井花水半小盞浸之候水浸

透水黃洗眼三二十次一宿次早即效

撥雲膏 治男子婦人諸般眼患不問年遠日近

黃丹四兩細研水飛
爐甘石四兩用童子小便煨淬五七次研細黃連水飛五七次

青鹽 礪砂 乳香 雄黃 黃連 枯白礬

輕粉 甘草 蜜陀僧 麝香 龍腦 當歸

白丁香各半錢
硃砂三錢
沒藥 海螵蛸研去甲各二錢

右各如法研細用白沙蜜一十五兩慢火熬初沸下



<p>黃丹二沸下爐甘石三沸下諸藥末不粘手為度貯 甕蓋內熱水泡開熱點眼不拘時候</p>	<p>靈光還精膏 治一切眼疾</p> <p>川黃連 四兩剉如大豆用童子小便 浸一宿瀝去滓晒乾為末</p>	<p>爐甘石 六兩放錢片上炭火內燒紅透 黃連汁淬之燒淬七次研為末</p> <p>黃丹 三兩研細 水飛淨 當歸 三錢 烏魚骨 白丁香</p>	<p>硃砂 另研 輕粉 各一錢 麝香 另研 乳香 另研各半錢</p> <p>右件為細末用白沙蜜一十兩銀器內或砂鍋內先</p>	<p>欽定四庫全書 瑞竹堂經驗方</p>	<p>熬五七沸以淨紙搭去面上蠟取淨除黃丹外下餘 藥用濕柳幹子攪勻次下黃丹再攪勻於慢火內徐 徐攪至紫色不粘手為度急丸如皂角子大以紙裹 之每用一丸新汲水於小盞內化開時時洗之其效 不可盡述</p>	<p>黃連膏 治一切眼疾 刁提領傳 得效方</p> <p>黃連 十兩 蕤仁 三錢去殼 杏仁 七十箇湯去皮尖</p>	<p>木賊 七錢 草龍膽 二兩 去節 去土</p>
---	---	--	---	---------------------------------------	---	---	--



海青膏點眼一切昏翳內障眼疾	右為極細末每日三次早晨午時臨卧鼻內搗之	雄黃 <small>研</small>	定風子	細辛 <small>各一錢半</small>	九節菖蒲 <small>去毛炒</small>	香白芷	火龍瓜	鬱金 <small>各一錢</small>	苦丁香	漢防已	川芎	赤小豆	乳香 <small>研</small>	兔絲子 <small>淘去沙酒蒸</small>	蔓荊子	自然銅 <small>火煨醋碎七次研</small>	穀精草	石膏 <small>煨</small>	沒藥 <small>研</small>	白葛根	鳳凰臺	當歸	薄荷葉	荊芥穗	藁本	乳香當歸散	治內障眼傷風傷寒攀睛瘀肉多年眼中倒睫拳毛	口內覺苦立效	粒大於蓋內用水一滴濃化開以釵頭點之三五遍	至半升傾於椀內重湯煮為膏貯於瓷器內每用米	用水五升熬至不到半升濾出再用重絹濾過同熬	內熬至半升濾出再用水七升熬至小半升濾出再	右藥用水一斗浸之春秋三日夏二日冬五日入鍋
---------------	---------------------	---------------------	-----	------------------------	-------------------------	-----	-----	-----------------------	-----	-----	----	-----	---------------------	--------------------------	-----	----------------------------	-----	---------------------	---------------------	-----	-----	----	-----	-----	----	-------	----------------------	--------	----------------------	----------------------	----------------------	----------------------	----------------------



<p>黃丹 <small>四兩 水飛</small> 訶子 <small>八箇 去核 為細末</small> 烏魚骨 <small>白者 二錢</small></p>	<p>青鹽 <small>一兩 另研</small> 白沙蜜 <small>淨者 一斤</small></p>	<p>右將蜜滾去白沫先下黃丹用槐條四十九根少時 下餘藥不住手一順攪直攪蜜紫色滴水中不散為 度後再用黃連二兩為末水三大椀於熬藥鍋內熬 數沸將鍋并槐條上藥洗淨別用瓷器收之澄清專 洗風赤冷淚等眼前所熬膏子藥用點雲翳白膜等 疾昔人曾以此藥專以救人</p>	<p>欽定四庫全書 瑞竹堂經驗方</p>	<p>夜光丸 治腎虛血弱風毒上攻眼目視物昏花不明 久而漸變內障常服降心火益腎水明目除暗夜可讀 細字</p>	<p>天門冬 <small>去心 焙</small> 麥門冬 <small>去心 焙</small> 生地黄 <small>懷州 道地</small></p>	<p>熟地黄 <small>懷州 道地</small> 新羅參 <small>去蘆</small> 白茯苓 <small>去黑皮</small></p>	<p>乾山藥 <small>各一兩</small> 枸杞子 <small>揀淨</small> 牛膝 <small>酒浸 另搗</small></p>	<p>金釵石斛 <small>酒浸 焙 乾另搗</small> 草決明 <small>炒</small> 杏仁 <small>去皮 尖炒</small></p>	<p>甘菊 <small>揀淨</small> 兔絲子 <small>酒浸 焙 乾另搗</small> 羚羊角 <small>鎊各七 半</small></p>
---	--	--	---	---	---	--	---	--	--



<p>肉蓯蓉 <small>酒浸焙乾另搗</small> 五味子 <small>炒</small> 防風 <small>去蘆</small></p>	<p>甘草 <small>炙赤剉</small> 沙苑蒺藜 <small>炒</small> 黃連 <small>去鬚</small> 枳殼 <small>去穢炒</small></p>	<p>川芎 生烏犀 <small>鎊</small> 青箱子 <small>各半兩</small></p>	<p>右除另搗外同為極細末煉蜜為丸如梧桐子大每服三十五丸空心溫酒送下鹽湯亦可</p>	<p>青黛散 治眼倒睫極效</p>	<p>蝟刺 棗樹上黃直棘針 香白芷 青黛 <small>研</small></p>	<p>右各等分為細末左眼倒睫口噙水左鼻內嚙之右眼倒睫右鼻嚙之</p>	<p>欽定四庫全書 瑞竹堂經驗方</p>	<p>耳</p>	<p>治耳聾</p>	<p>用蒼朮一塊長七分將一頭削尖一頭截平將尖頭插於耳內於平頭上安筋頭大艾炷灸之聾輕者灸七炷聾重者灸一十四炷覺耳內有熱氣者</p>	<p>効</p>	<p>鼻</p>
--	---	---	--	-------------------	---	------------------------------------	----------------------	----------	------------	--	----------	----------



欽定四庫全書 瑞竹堂經驗方	又方 枇杷葉 <small>一兩去毛陰乾新者佳</small> 梔子 <small>兩半</small> 右為細末每服二三錢溫酒調下早晨服先去左邊	追風散 治諸般牙疼 貫衆 鶴虱 荆芥穗 <small>各等分</small>	風牙痛 <small>德生堂作細辛散</small> 草烏頭 <small>極好者</small> 細辛 <small>去葉等分</small> 右咬咀每服二錢加川椒五十粒用水一椀煎至七分去滓熱漱吐去藥立效	檳榔散 治鼻頭 鷄心檳榔 舶上硫黃 <small>各等分</small> 片腦 <small>少許</small> 右為細末用絹帛包裹時時於鼻上搽磨鼻聞其臭即效又加蓖麻子肉為末酥油調臨睡少搽於鼻上終夜得聞
------------------	--	---	---	--



<p>右為細末先以冷水漱淨用手指點藥擦牙李憲德 生堂方吐去涎三次即止藥不可嚥下須臾立愈</p>	<p>蟲牙疼 天仙子不計多少燒烟用竹筒抵牙引烟熏之其 蟲即死永不發</p>	<p>神仙長春散 治牙齒動搖疼痛牢牙黑髭髮至老不 白深有神效 <small>太平宣差傳德生堂方兼 治牙齦牙宣但無香附子</small></p>	<p>皂角 <small>一斤去皮弦 虫蛀不用</small> 食鹽 <small>四兩二味 同燒煉</small></p>	<p>欽定四庫全書 瑞竹堂經驗方</p>	<p>香附子 <small>淨四兩 炒去毛</small> 青鹽 <small>四兩 研</small> 牛蒡子 <small>四兩 炒</small></p>	<p>蓮花蕊 <small>一兩</small> 藿香 <small>一兩</small> 旱蓮草 <small>一兩</small> 麝香 <small>一分 研</small></p>	<p>腦子 <small>一分 研</small> 右將皂角剉碎用小瓦盆兩箇上盆底鑽小孔三箇 下盆裝一重皂角一重食鹽四兩都裝盆內相合泥 固炭火煨煉烟青為度取出與前藥碾細入麝香腦 子同為細末每日早晨臨睡刷牙甚妙</p>	<p>沉香散 治刷牙固齒榮養髭髮</p>
---	---	---	--	--------------------------	--	--	--	----------------------



<p>沉香 <small>二錢 半 鎊</small> 白檀 <small>一錢 半 鎊</small> 苦練子 <small>破四片 炒半斤</small> 母丁香 <small>一錢 半</small> 細辛 <small>去苗 半兩</small> 酸石榴皮 <small>二錢 半</small> 當歸 <small>半兩</small> 訶子皮 <small>二錢 半</small> 香附子 <small>半兩 炒 去毛</small> 荷葉灰 <small>一錢</small> 青鹽 <small>二錢 半 研</small> 青黛 <small>二錢 半 研</small> 乳香 <small>一錢 研</small> 龍腦 <small>半錢 研</small> 麝香 <small>半錢 研</small></p>	<p>右為細末每用半錢如常刷牙溫水漱了早晚二次用</p>	<p>痰藜散 治打動牙齒 欽定四庫全書 瑞竹堂經驗方</p>	<p>痰藜根 右燒灰貼動牙即牢</p>	<p>刷牙藥 香附子 <small>炒去毛 一兩</small> 大黃 <small>煨火</small></p>	<p>右用椽子二十箇內一十八箇裝滿青鹽於沙器內單擺定用碗蓋之燒存性與生椽子二箇并香附子</p>	<p>大黃同為細末每日刷牙掠髭鬚脣</p>
---	------------------------------	--	--	---	---	-----------------------



五神還童丹	堪嗟鬢髮白如霜 要黑原來有異方 不
刺等證	即令光澤精神
右為細末	每日洗而用之 治面上遊風諸般熱毒風
綠豆	<small>五升沸湯泡 一宿曬乾</small>
黑牽牛	白僵蠶 <small>炒去絲</small>
香白芷	<small>各一兩</small>
肥皁角	<small>五十篔 去皮弦</small>
三柰子	天花粉 木賊 甘松 桃仁兒
白芨	白斂 川芎 沙參 防風 藁本
白朮	白朮
零陵香	檀香 <small>鎊</small> 丁香 茅香 藿香
白朮	白朮
洗面藥	
即愈	
面	
黃蘗	<small>一兩</small> 五倍子 <small>二錢</small> 蜜陀僧 <small>少許</small> 甘草 <small>少許</small>
右除黃蘗外	為細末水調勻敷於黃蘗上火灸三五 次灸盡藥末為度將黃蘗切成薄片臨睡貼之天明
治璽脣方	



<p>用擦牙並染髮却來五味配陰陽赤石脂與川椒炒辰砂一味最為良茯神能養心中血乳香分兩要相當棗肉為丸桐子大空心溫酒十五雙十服之後君休摘管教華髮黑加光兼能明目并延壽老翁變作少年郎</p> <p>赤石脂 川椒 辰砂 茯神 乳香 各一兩</p> <p>此方乃仙家傳授無問老少皆可服</p>	<p>丁砂散 掠鬚髮</p>	<p>大訶子 一箇 母丁香 五箇 百藥煎 一錢</p>	<p>欽定四庫全書 瑞竹堂經驗方</p>	<p>鍼砂 少許 醋 灸七次 高茶末</p>	<p>右為極細末用水一大碗熬數沸不去滓收於淨甕器內每夜臨卧溫漿洗淨鬚髮用藥水掠之次早用溫漿水洗淨百日其鬚髮自黑用藥更浸一新釘尤妙婦人亦可用</p>	<p>妙應散 牢牙疎風理氣黑鬚髮</p>	<p>白茯苓 遼參 細辛 香附子 炒去毛</p>	<p>白蒺藜 炒去角 川芎 縮砂 各五錢 龍骨 研</p>
---	----------------	-------------------------------------	--------------------------	--------------------------------	---	----------------------	--------------------------	---------------------------------------



石膏 <small>煨</small>	百藥煎	白芷 <small>各七錢</small>	麝香 <small>少許</small>
訶子散	烏髭髮		
訶子 <small>兩箇</small>	沒食子	百藥煎 <small>三兩</small>	金絲礬 <small>一兩</small>
<small>去核</small>			<small>半研</small>
鍼砂 <small>三兩</small>	<small>兩用</small>	好醋 <small>一碗</small>	薨 <small>器浸三日炒七次</small>
右將喬麥麵入鍼砂打糊先夜將鍼砂糊抹在頭上			
用荷葉包到天明溫漿水洗淨次夜却將前四味藥			
末調入鍼砂用生薑一塊槌碎再加些少輕粉一處			
欽定四庫全書			
瑞竹堂經驗方			
調勻抹在頭上用荷葉包到天明溫漿水如數點清			
油在內洗淨其髮黑且光			
掠髭鬚方			
白檀末 <small>一錢</small>	香白芷 <small>一錢</small>	白芨 <small>一錢</small>	滑石 <small>一錢</small>
零陵香 <small>二錢</small>	三柰子 <small>三錢</small>	青黛 <small>一錢</small>	
<small>燒熟為度</small>			
百藥煎 <small>一錢</small>	甘松 <small>一錢</small>		
<small>另研</small>	<small>去土</small>		
右為細末用漿水一大盞藥末一錢瓷器收盛蓋覆			
勿令灰塵坐落早晨梳洗畢掠之不過十數日有驗			



用盡再添漿水藥末	欽定四庫全書	瑞竹堂經驗方	瑞竹堂經驗方卷三
----------	--------	--------	----------



欽定四庫全書

瑞竹堂經驗方卷四

元沙圖穆蘇 編

女科

養氣丹 治婦人年未及四十歲天癸斷行每服五丸

空心溫酒送下

在和劑局方

芩心丸 治婦人四十九歲已後天癸當住每月却行

或過多不止

黃芩心

枝條者二兩重用米醋浸七日炙乾又浸又炙如此七次

欽定四庫全書

瑞竹堂經驗方

右為細末醋糊為丸如梧桐子大每服七十丸空心

溫酒送下日進二服

八珍散 治月水不調臍腹疔痛全不思食臟腑怯弱

泄瀉小腹堅痛時作寒熱此藥調暢榮衛滋養氣血能

補虛損

當歸

去蘆

川芎

熟地黄

白芍藥

人參

去蘆

甘草

炙

茯苓

去皮

白朮

各一兩

右咬咀每服三錢水一盞半生薑五片棗一枚煎至



治婦人吹妳	右為細末每服三錢淋火煨秤錘調服	治婦人血崩不止	婦人油頭髮 <small>燒半兩</small> 千針草灰 <small>兩半</small>	口服不拘時候	入乳香沒藥如皂角子大一塊同煎至一盞去滓通	入全陳皮一箇又煎十沸入好醋一盞又煎十數沸	右吹咀每服一錢水三盞銀石器內文武火煎數沸	欽定四庫全書	瑞竹堂經驗方	沉香 木香 當歸 白茯苓 白芍藥 <small>各一錢</small>	氣痛並皆治之	沉香散 治婦人一切血氣刺痛不可忍者及男子冷	右為極細末每服三錢空心溫酒調服	當歸 麝香 <small>各一錢</small> 虎骨 <small>火炙油盡黃一錢六分</small>	血竭 乳香 沒藥 <small>並別研</small> 水蛭 <small>鹽炒燂盡</small> 白芍藥	血竭散 治婦人臍下血積疼痛	七分去滓不拘時候通口服
-------	-----------------	---------	---	--------	----------------------	----------------------	----------------------	--------	--------	-------------------------------------	--------	-----------------------	-----------------	--	--	---------------	-------------



鼠糞 五十粒

麝香 一字

右為細末食後用熱酒一盞調服立愈

治產後血塊腹痛

京芎 炒

川當歸 炒

乾地黄 洗

芍藥 各半兩

蒲黃 一分銚內隔紙炒香

右同為細末每服三錢空心溫酒調服

幼科

長生丸 治小兒清上實下補脾治痰

出陳文仲方

欽定四庫全書

瑞竹堂經驗方

木香 半兩

檳榔 三兩不見火

枳殼 一兩去瓢麵裏煨

丁香 三錢

半夏 三錢薑湯泡七次

全蝎 三十箇去毒尖

肉豆蔻 三錢

縮砂 三錢

右除肉豆蔻外同為細末次入豆蔻再研極細末用

飲和為丸如粟米大小兒每服三五十九丸空心乳汁

飲湯送下服訖候半時方進乳食日進三服吐乳者

胃冷宜服此藥大便酸臭是傷食乳食不消是脾虛

宜服此藥



十金散 治小兒脾積其效甚速

錦紋大黃

不計多少為細末用米醋熬成膏澆於新磚瓦上再將大黃傾上用伏內日曬

夜露乾為末

舶上硫黃

官粉

各等分

右為極細末每於食後米飲調下一歲小兒一服半

錢二三歲服一錢十歲以下服二錢十六七歲服五

錢一服即效如不愈隔二十日再一服更不須再服

切忌生冷濕麪馬驢豬魚雞等肉如不能忌口枉服

此藥曾經親手救人但能忌口者醫之必愈

欽定四庫全書

瑞竹堂經驗方

褐丸子 治小兒陰陽不和臟腑怯弱乳食不消心腹

脹滿嘔逆氣急或腸鳴泄瀉頻併腹中冷痛食癥乳癖

痰氣痞結積聚腸胃或秘或利頭面浮腫不思乳食及

療五種疳氣八腫痢疾肌肉消瘦氣竈腹大神色昏憤

情意不樂常服散冷熱氣調和藏府去疳積止瀉痢進

飲食生肌肉悅顏色功效異常不能盡述

出活幼口訣方

蘿蔔子

二兩微炒

陳皮

去白一兩

青皮

去白一兩

黑牽牛

一兩半生用一半炒

京三稜

一兩泡



<p>蓬莪朮 <small>一兩</small> <small>泡</small> 胡椒 <small>半兩</small> 木香 <small>一分不</small> <small>見火</small></p>	<p>右為細末水煑麪糊為丸如梧桐子大每服二三十丸空心用蘿蔔子煎湯或薑湯送下看兒大小加減服之</p>	<p>磨積丸 專治小兒疳積泄瀉等疾</p>	<p>荆三稜 蓬莪朮 陳皮 <small>去白</small> 青皮 <small>去白</small> 神麴 <small>炒</small></p>	<p>麥芽 <small>炒</small> 川鬱金 胡黃連 雷丸 <small>白者</small></p>	<p>香附子 <small>炒</small> <small>去毛與三稜莪朮陳皮青皮五件一處用好米醋煮一晝夜焙乾</small></p>	<p>欽定四庫全書 <small>瑞竹堂經驗方</small></p>	<p>使君子肉 <small>焙切</small> 蘆會 <small>各等分</small></p>	<p>右為細末米醋糊為丸如豌豆大每服三十九糯米湯下茶湯亦可虛弱加木香虛極加癩蚶蚵肉</p>	<p>如聖散 治小兒口瘡不能喫乳者</p>	<p>川江子 <small>一粒或二粒</small></p>	<p>右研爛不去油入硃砂或黃丹赤土少許剝開小兒</p>	<p>顛門貼在顛上如四邊起粟米泡使用溫水洗去藥</p>	<p>恐成瘡便用菖蒲水洗便安其效如神</p>
---	---	-----------------------	--	---	--	--	---	---	-----------------------	---------------------------------	-----------------------------	-----------------------------	------------------------



治小兒出瘡疹眼內有雲翳方 輕粉 黃丹 各等分	右為末竹筒吹在耳內左眼有翳吹左耳右眼有翳吹右耳即退	治小兒大人熱丹瘡成片可取絲茅草葉將丹瘡刮破即愈	治小兒丹瘤 綿羊腦子 生用 朴消	欽定四庫全書 瑞竹堂經驗方	右二味調勻貼於瘤上立效	治小兒凍印瘡方 用黑驪糞曬乾燒灰清油調搽立效	大黃膏 治小兒大人痺癢 大黃 朴硝 各等分	右為細末同蒜泥和成膏用絹帛攤成膏藥貼於病處其痺病自輒消	白丁香 雀兒糞也 黑丁香 二錢 木香 二錢 蜜陀僧 三錢
---------------------------	---------------------------	-------------------------	---------------------	------------------	-------------	---------------------------	--------------------------	-----------------------------	------------------------------



<p>硫黃 <small>錢二</small> 訶子皮 輕粉 <small>錢半</small></p> <p>右為細末每服一錢用妳汁調服女兒用男兒妳汁 調服男兒用女兒妳汁調服食前半饑半飽服日進 三服用棗壓藥大人用米飲空心調服</p>	<p>欽定四庫全書</p> <p>瑞竹堂經驗方</p>	<p>瑞竹堂經驗方卷四</p>
---	-----------------------------	-----------------



欽定四庫全書

瑞竹堂經驗方卷五

元沙圖穆蘇 編

瘡科

金砂散 治疔瘡

硃砂者好 雄黃者好

右等分研細生蜜調合用角盒子收貯先將銀篋挑
破瘡口擠出惡血然後用藥一豆大入瘡口內以紙
花貼定即效若毒氣入腹已多嘔吐欲死者即服內

欽定四庫全書

瑞竹堂經驗方

托香粉散

返魂丹 治十三種疔瘡

硃砂 膽礬各一兩 血竭 銅綠 蝸牛各一兩

雄黃 白礬各二兩 輕粉 沒藥 蟾酥各半兩

麝香許少

右先搗蝸牛蟾酥極爛旋入諸藥末為丸如鷄豆大
令病人先嚼葱白三寸吐手心內將藥一丸裹在葱
白內用熱酒一盞吞下如重車行五里許有汗出即



瘡如不能嚼葱研爛裹藥下曾有一僧貨此藥極有
效予自合救人累獲效驗真妙方也

五聖散

大黃 兩一
生薑 兩一
瓜蒌 箇一
皂角 錢二

甘草 兩一
金銀花 兩一

右咬咀用好酒二升同煎至八分去滓服不拘時候

海上方 治疔瘡

蟬殼 七箇
煨 為末

欽定四庫全書

瑞竹堂經驗方

右為極細末用蜜調搽瘡口

立馬回疔丹 治疔瘡走暈不止

金脚信 錢半
蟾酥 錢半
血竭 錢半
硃砂 錢半
輕粉

龍腦 麝香 三字
沒藥 錢半

右為細末用生草烏頭汁拌和為錠麥子長大用時

將瘡頂刺破將藥一錠放瘡口內第二日瘡腫為效

破棺丹 治消疔黃走暈不止 方史相

赤芍藥 兩二
當歸 兩二
山梔子 半二
甘草



右各等分為細末用生薑自然汁調圍敷如乾時再	老龍皮 <small>即老松樹皮</small>	青黛 黃檗 大黃 天花粉 青露散 <small>即芙蓉葉</small>	白芨 白薇 白微 白芷 白蘚皮 朴消	青露散 治發背疽一切惡瘡圍之不暈開	孔貼蓋如藥乾用雞翎蘸水掃濕如此不過三	如未有瘡口一漫塗藥如三四重紙厚上用紙條透	草烏於瓦上磨成膏用磨藥手挑藥貼於瘡口四周	欽定四庫全書 瑞竹堂經驗方	內如無新瓦取屋上淨瓦亦可候瓦濕透即將川烏	右將新瓦一箇新汲水一桶將二烏併瓦浸於水桶	川烏頭 <small>一箇</small> 草烏頭 <small>一箇</small>	二烏散 治發背蜂窩疔瘡便毒等證	子小便化開服之病重者服一九半忌酒及生硬物	右為細末煉蜜為丸如彈子大每服一九食前用童	金銀花 <small>一兩半</small> 京三稜 <small>一兩切片焙乾</small>	牽牛 <small>頭末一兩半</small> 大黃 <small>三兩半</small> 牡蠣 <small>煨一兩半</small>
----------------------	-----------------------------	---	-----------------------------------	-------------------	--------------------	----------------------	----------------------	------------------	----------------------	----------------------	--	-----------------	----------------------	----------------------	---	---



<p>用薑汁調潤</p>		<p>內托千金散 治腦背癱疽乳梗等惡瘡 <small>鄭善明御史救人驗</small></p>		<p>人參 當歸 黃耆 芍藥 川芎 防風</p>	<p>甘草 瓜蒌 白芷 官桂 桔梗 <small>各三錢</small></p>	<p>金銀花</p>	<p>右咬咀每服七八錢水二大盞煎至七分入酒半盞去滓溫服如痛甚者倍加當歸芍藥或加乳香二錢日進三服兩服之後瘡口內有黑血出者或遍身汗</p>	<p>欽定四庫全書 瑞竹堂經驗方</p>	<p>出皆藥之功效也如病熱猛惡須藥一兩水一大椀煎服未成膿者自散已成者不用針砭自透此藥累經功效不可不傳普救衆苦</p>	<p>黃連獨活散 治背疽一切惡瘡初發腫甚者三四服即消散</p>	<p>羌活 <small>半一錢</small> 獨活 <small>半錢</small> 防風 <small>半錢</small> 藁本 <small>半一錢</small></p>	<p>黃芩 <small>半一錢</small> 黃連 <small>半錢</small> 知母 <small>一錢</small> 當歸身 <small>三錢</small></p>	<p>生地黃 <small>二錢</small> 防風梢 <small>半錢</small> 連翹 <small>三錢</small></p>
--------------	--	---	--	--------------------------	--	------------	---	--------------------------	--	---------------------------------	--	--	---



酒下三十丸	貼之若心痛丸如梧桐子大溫醋湯下三十丸肚痛溫	痛心痛眼痛腹痛脚氣骨節疼痛大人小兒脾癖悉皆	萬應膏 治一切惡瘡及刀斧所傷蛇咬狗咬蟲傷牙	勿輕忽	箇只一箇瘡口若服兩箇三箇即兩箇三箇瘡口切	右將靈一箇燒灰用酒調服即透切不可多若服一	不 移 時 自 透 累 有 效 驗	透 膿 散 治諸癰瘡及貼骨癰不破者不用針刀一服	臥服併又將滓煎服之前後接服即瘥	右 咬 咀 只 作 一 服 水 一 椀 煎 至 五 分 入 好 酒 半 盞 臨	蘇木 半錢 當歸梢 半錢 甘草梢 半錢 黃檗 半錢 漢防已 半錢	黃耆 半錢 人參 半錢 甘草身 一錢 陳皮 半錢
當歸 芍藥 白薇 白芫 木鼈子												

欽定四庫全書

瑞竹堂經驗方

蛾口靈

用出了
蛾兒靈



杏仁	輕粉	乳香	黃耆	各一兩	巴豆	六錢	
雄黃	研一兩	好油	三斤	篋麻子	二百餘箇	白礬	少許
沒藥	研一兩	黃丹	二斤	血餘	三兩		
右先將乳香沒藥黃丹雄黃白礬另研極細外將餘藥剉碎同槐柳條各二兩剉碎篋麻子二百五十箇去皮研碎先入油內浸一二日於鐵鍋內熬用槐柳條各二根二尺長不住手攪微黑色滴水中不散撈去麤滓再用綿濾淨再入鍋內熬滾先下黃丹次下							
欽定四庫全書							
瑞竹堂經驗方							
血餘次下白礬雄黃又下乳香沒藥不住手攪至烟盡微熱下輕粉攪勻傾於水盆內浸一宿出盡火毒於甕器內盛之其功效不能盡述							
治腎腧惡瘡方							
鷄內金	瓦上焙乾	百藥煎	各等分	輕粉	一錢	胡黃連	
右為細末燒厚朴油調搽之							
拔毒散 敷貼諸般惡瘡							
大黃 東墻上土							



<p>右為極細末用無根井花水調搽如乾再搽經宿即愈</p>	<p>白芷散 治身上諸般惡瘡及小兒耳項頭瘡</p> <p>斑貓<small>筒五</small> 蟬殼<small>筒五</small> 輕粉<small>錢一</small> 檳榔<small>筒三</small></p>	<p>香白芷<small>錢二</small> 蛇床子<small>錢二</small> 硫黃<small>錢二</small> 樟腦<small>錢二</small></p>	<p>右為細末羅過却入輕粉再碾極細用香油調搽立效</p>	<p>黃耆飲子 治一切惡瘡</p>	<p>欽定四庫全書 瑞竹堂經驗方</p>	<p>金銀花<small>兩一</small> 當歸<small>兩一</small> 連翹<small>兩半</small> 黃耆<small>兩半</small></p>	<p>生甘草<small>錢三</small> 大黃<small>錢三</small> 瓜萋<small>筒一</small> 生薑<small>錢三</small></p>	<p>右咬咀用水一大椀藥一兩浸一宿慢火煎至稠粘却入好酒一升再煎三兩沸去滓頓服</p>	<p>砂草油 治人食毒物及患一切惡瘡</p>	<p>礪砂<small>兩四</small> 甘草<small>兩四</small></p>	<p>右用真香油一斤於甕瓶內浸藥遇人患急令服油一小盞立效浸久尤佳</p>
------------------------------	--	--	------------------------------	-------------------	---	---	---	--	------------------------	--	--------------------------------------



海上方 治惡瘡

燕窩內外泥糞俱研極細羅過用油調傅

防風當歸散 治諸般瘡癤及熱毒瘡

防風 兩半
甘草節 兩半
赤芍藥 兩半
綿黃耆 兩半

當歸 兩半
白芷 兩半
左纏藤 皂角刺

肉桂 陰證用半兩
陽證用一兩
大黃 陽證用半兩
陰證用一錢

右咬咀水四碗砂瓶內煎至兩碗加好酒一碗再煎

至二碗放溫作數起服內皂角刺左纏藤加衆藥五

欽定四庫全書

瑞竹堂經驗方

倍

蝶蛸散 治頭上瘡俗曰粘瘡絕妙

海蝶蛸 二錢
白膠香 二錢
輕粉 半錢

右將海蝶蛸白膠香同研細却入輕粉再於乳鉢內

研極細先用清油將瘡潤了然後將藥末乾摻瘡上

只一上可愈甚者二上

啞障咽喉乳蛾方

雄黃 五錢
鬱金 五錢
白礬 二錢半
膽礬 半錢



右為極細末以竹筒吹喉中立能言語

治喉風單雙乳蛾

墻上土蜂窩
一箇研
極細

右先將病人舌用楮葉擦破微令血出繼將蜂窠土

醋調用鷺毛蘸藥於喉中搥之令痰涎出為效後用

扁竹根搗碎冷水調服只服三口利三行即愈就用

冷水漱口立愈

羅青散 治咽喉單雙乳蛾

欽定四庫全書

瑞竹堂經驗方

蒲黃
五錢

羅青
三錢

盆消
三錢

甘草
二錢

右為細末每服一錢冷蜜水調細細嚥之吞不下雞

翎蘸藥喉內掃之立效

香粉散 治乳蛾即開

白礬
三錢

巴豆
二粒

輕粉
少許

麝香
少許

右於鐵器內飛白礬至沸入巴豆在上礬枯去巴豆

不用只三味為細末和合吹喉

栝蘇散 治便癰等惡瘡



桔蘇 <small>一箇 去皮</small>	生薑 <small>兩半</small>	甘草 <small>兩半</small>	金銀花 <small>三錢</small>
牛蒡子 <small>三錢 微炒</small>	右藥不犯銅鐵器槌碎用酒一大升煎數沸空心溫服微利為度		
立效散 治下疳			
燈心灰入輕粉麝香少許			
又方 治男下疳瘡			
白礬 <small>煨 過</small>	輕粉	麝香	蟻螬 <small>就滑 壓去 屎焙乾</small>
欽定四庫全書			
瑞竹堂經驗方			
右為細末先以口含漿水洗淨拭乾用藥敷瘡上日三兩次			
治療癰瘡			
乾薑不計多少研為細末用生薑自然汁打麪糊和末作丸谷丹為衣每日一次隨瘡大小入藥在內追出膿盡生肉為度瘡口合則已如瘡口不斂再用大黃末以葱白汁調搽即愈仍日服十全內托散二服如瘡腫不破者用野菊花根搗爛煎酒			



送下每服二十九至月後覺腹中微痛於小便中取	右為末麪糊為丸如梧桐子大早晚煎甘草檳榔湯	防風 <small>分各等</small>	牽牛 <small>一半生一半熟炒</small>	斑貓 <small>糯米炒去皮</small>	蜜陀僧	白朮 <small>生</small>	檳榔 <small>生</small>	甘草 <small>生</small>	郁李仁 <small>湯浸去皮</small>	遇仙無比丸 專治瘰癧	日自消此方不可亂傳	盡任藥後用黃蠟封於針口如瘡腫者不妨不過三日自消此方不可亂傳	欽定四庫全書 瑞竹堂經驗方	用之如瘡破者兩丸瘡小不破者一丸用針出血至	右為細末大麥麪為丸如小麥粒大覷瘡大小加減	金脚信 <small>二錢</small>	巴豆 <small>十箇去心膜</small>	雄黃 <small>一錢朱色者</small>	白丁香 <small>二錢真白</small>	礪砂 <small>半錢</small>	龍腦 <small>三分</small>	麝香 <small>半錢</small>	輕粉 <small>一錢</small>	粉霜 <small>一錢</small>	潛針丸 專治一切瘰癧惡瘡	消或瘡口已破依前用藥追膿生肉斂口神效	服之仍將煎過菊花根為末敷貼其瘡自消如不
----------------------	----------------------	-----------------------	---------------------------	-------------------------	-----	---------------------	---------------------	---------------------	-------------------------	------------	-----------	-------------------------------	------------------	----------------------	----------------------	-----------------------	-------------------------	-------------------------	-------------------------	----------------------	----------------------	----------------------	----------------------	----------------------	--------------	--------------------	---------------------



下癰子毒物有如魚目狀已破者自合未破者自消
治賺瘡

好粉用香油調在碗裏上用艾燒烟燻黃色要勻
抹在瘡上有效

蠟黃膏 治賺瘡

槐條 椿皮 桃條 棟條 柳條 荆芥

右熬湯不時盪洗無漿絹帛搵乾用生黃蠟於紙上
量瘡大小攤膏一十箇即將十層都拴瘡上三日一

欽定四庫全書

瑞竹堂經驗方

洗瘡除去着瘡蠟紙膏藥一箇餘仍貼不消一月無
問年深日近必然痊好屢經依方醫治得效驗

賺瘡藥方

監司傳此
方見效

輕粉

錢一

黃連末

錢二

右用豬膽一箇針刺七孔滴下膽汁於盞內將藥調
和用竹攤滿瘡口上用白紙數層蓋藥以無粉青絹
緊緊拴住過十日再換藥如法緊拴

急救仙方 治賺瘡久年不愈者多是腎水虛敗下流



又有脾瀆溢可服苦參丸補腎水用解毒生肌定痛散
後用隔紙膏藥

秘傳隔紙膏 治賺瘡年月深久不愈者

老松香

樟腦

谷丹

炒

水龍骨

即舊船
石灰

輕粉

不愈
加

白芷

川芎

蝶蛸

總為末鎔化松香加少清油和之以油紙隨瘡大小
糊袋盛藥夾之用水洗瘡縛在瘡口上二日定四日

一換若單用白芷川芎蝶蛸三味煎水洗之亦效

欽定四庫全書

瑞竹堂經驗方

又方

無名異細研清油調搽濕則乾傳其上

摻藥 治諸瘡口濃水不乾

白龍骨

二分

寒水石

三分

谷丹

飛一分

右為細末乾摻瘡口一料以六分為率

治瘡腫濕瘡方

胡黃連

生用

輕粉

生用

海蝶蛸

生用

韶粉

煨

蛤粉

生用

橄欖核

燒灰

黃栢皮

各等分



右為細末乾貼立效	搜膿散 治瘡內有膿不能自出內瘡已深須用紙撚 蘸藥入於瘡口內	白芍藥 輕粉 <small>各三錢</small> 川芎 香白芷 <small>各一兩</small>	右為細末瘡平者摻藥在上	生肌散 治瘡口不合	沒藥 黃丹 <small>火飛過用</small> 赤薮 枯白礬 黃蘗	乳香 <small>各一錢</small> 白膠 <small>二錢</small> 麝香 <small>半錢</small>	欽定四庫全書 瑞竹堂經驗方	右為細末先煎葱白鹽湯洗淨搵乾傳藥末於瘡口 上	桃花散 治諸瘡口不合	赤薮 <small>炒</small> 白薮 <small>炒</small> 黃蘗 <small>炒各三錢</small> 輕粉 <small>一錢</small>	右為細末先用葱白漿水洗淨然後上藥	妙功散 治疥瘡	黃檗 蛇床子 白礬 <small>各等分</small>	右為細末用後藥煎油調擦
----------	----------------------------------	--	-------------	-----------	--	--	------------------	---------------------------	------------	--	------------------	---------	------------------------------	-------------



再敷立效不須抓破	右為細末新汲水調為糊厚厚敷於癬上乾即去之	巴豆 <small>斗四箇 連殼碾</small>	剪草散 專治頑癬久不能愈者	此搽洗三次然後出浴更不須再搽藥	汗出便沐浴將疥抓破用前藥搽之再入堂內洗如	加白砂蜜二兩送神芎丸五七十九入浴堂內洗令	早起空心飽食乾物勿飲湯煎大防風通聖散一劑	一浴散 治疥瘡熱毒清油調搽	更加柏燭一二枝放冷調搽	右同清油一處熬數沸濾去渣將妙功散於熱油內	厚朴 枳殼 <small>各少 許</small>	清油 二兩 黃檗 花椒 巴豆 數粒 葱 三莖
欽定四庫全書 瑞竹堂經驗方												
輕粉 少許												
硫黃 雄黃 漢椒 玄精石 枯白礬 <small>各等分</small>												
白芨 兩四												
剪草 兩四												
檉樹皮 八兩 杭												
州有												



<p>治金瘡</p>	<p>黃檗 四兩好者 <small>去麤皮</small> 黃連 三兩去 <small>鬚淨剉</small> 黃葵花 三兩 <small>焙乾</small></p>	<p>降真香末 一兩 <small>兩</small> 檳榔 二兩雞 <small>心者佳</small></p>	<p>白芍藥 少許以上六味 <small>同研為細末</small> 木鼈子 兩半</p>	<p>烏賊骨 三兩二味同 <small>研為末旋入</small> 真龍骨 一兩乳鉢 <small>另研入</small></p>	<p>蜜陀僧 一兩 <small>研細</small> 真血竭 一兩 <small>麝香 二錢 另研</small> 輕粉 一錢</p>	<p>韶粉 一兩 <small>兩</small> 滴乳 二錢另研同於乳鉢 <small>內再細研次入黃丹</small></p>	<p>黃丹 三兩飛 <small>過研</small></p>	<p>欽定四庫全書 瑞竹堂經驗方</p>	<p>右須十分研細和勻用好紙包裹令密勿令透氣候 三日方可用凡遇金刃所傷血不止者作急用藥乾 貼血痛立止或傷日久先用葱鹽湯洗去惡物拭乾 再用唾津調藥敷上以紙封蓋瘡口留一竅出膿水 又被傷血流太多恐傷斷脉絡血筒急揩去血用藥 乾貼之立止</p>	<p>治血聚皮不破蘿蔔葉研細罨傷處以帛縛之 吸筒 以慈竹為之削去青</p>
------------	---	--	---	--	--	--	--------------------------------------	-----------------------------------	--	--



五倍子

用多

白礬

少用
些子

右藥和筒煮了收起用時再於沸湯煮令熱以筋箱筒乘熱安於患處

治針入肉不出

臘姑腦子

槌碎塗
上即出

右用硫黃研細調敷以紙花貼定覺癢時其針即出

又方

用雙杏仁搗爛以車脂調勻貼在針瘡上其針自

出

欽定四庫全書
瑞竹堂經驗方

治風狗咬方

用桃核殼半箇將野人乾

即人之
大糞也

填滿以榆皮蓋

定掩於傷處用艾於桃核上灸二七十四炷即愈

永不發作

雄辛散 治惡蛇及風狗所傷

細辛華芩及雄黃 好酒研來入麝香

不問惡蛇并惡犬 管教一服便安康



<p>右各等分為細末每服二錢好酒調下</p> <p>雄靈散 治毒蛇所傷昏悶欲死者</p> <p>雄黃 <small>半兩明好者研</small> 五靈脂 <small>一兩真者酒洗去砂石乾用</small></p> <p>右為細末每服二錢酒調灌之即以藥末調塗瘡口</p> <p>上良久再一服神驗</p>	<p>欽定四庫全書</p> <p>瑞竹堂經驗方</p>	<p>瑞竹堂經驗方卷五</p>
---	-----------------------------	-----------------

